

**STATUTI**  
**I SHOQËRISË ME PËRGJEGJËSI TE KUFIZUAR**

**“On Top Security” sh.p.k**

**KAPITULLI I**

**FORMA,EMËRTIMI,OBJEKTI,SELIA,KOHËZGJATJA**

**Neni 1 – Forma**

- 1.1 Shoqëria “On Top Security” (në vijim shoqëria) krijohet në formën e një Shoqërie me Përgjegjësi të Kufizuar,dhe veprimtaria e saj rregullohet me anë te këtij Statuti dhe Akti të Themelimit dhe në bazë të ligjit Nr 9901 datë 14.04.2008 “Për tregtarët dhe Shoqëritë Tregtare” dhe ligjit 9723 datë 03.05.2007 “Për Qendrën Kombëtare të Rregjistrimit”
- 1.2 Shoqëria vepron sipas legjislacionit në fuqi.
- 1.3 Akti i Themelimit dhe Statuti janë në përputhje me legjislacionin shqiptar që ka karakter të detyrueshëm,ndërsa çështjet që nuk janë parashikuar në to,plotësohen nga legjislacioni shqiptar.

**Neni 2 – Emërtimi**

- 2.1 Emërtimi i Shoqërisë është “On Top Security”.

**Neni 3 – Objekti i Shoqërisë**

- 3.1 Shoqëria ka për objekt të saj :
  - Ruajtjen dhe sigurimin fizik te objekteve publike dhe private. Sigurimin fizik, mbrojtjen e jetes dhe shendetit te shtetasve vendas dhe te huaj.

**Neni 4 – Selia**

- 4.1 Selia e shoqërisë është në “Njesia Bashkiake Nr.6,Rruga Bedri Karapici,kompleksi Golden Park,Pallati1/2,Kati 1,Nr.1”;
- 4.2 Veprimtaria e saj do të shtrihet në të gjithë territorin e Republikës së Shqipërisë .Shoqëria me vendim të ortakëve ka të drejtë te krijojë brenda vendit degë,zyra përfaqësimi.

**Neni 5 – Kohëzgjatja e veprimtarisë**

- 5.1 Kohëzgjatja e veprimtarisë së Shoqërisë do të jetë për një afat të pacaktuar.

- 5.2 Shoqëria mund të prishet përpara këtij afati ose mund të zgjasë kohëzgjatjen e saj me vendim të ortakëve të saj.

## **KAPITULLI II**

### **KAPITALI THEMELTAR, KONTRIBUTET, NDARJA E PJESËVE TË KAPITALIT**

#### **Neni 6 – Kapitali themeltar**

- 6.1 Kapitali themeltar i shoqërisë është 100 000 (njëqindmijë) lekë
- 6.2 Kapitali themeltar i shoqërisë përbëhet nga 1 kuote, e gjitha e nënshkruara dhe e shlyera, me vlerë nominale 100.000 lekë.

#### **Neni 7 – Kontributet dhe pjesët e kapitalit**

- 7.1 Kontributet në kapitalin e shoqërisë janë ofruar nga Z.Jugert Xhani i biri Petrit-it i lindur në Permet (Shqipëri), mbajtës i kartës së identitetit me nr. **J01216039G** madhor me zotësi të plotë juridike.
- 7.2 Sipas kontributit të mësipërm ortakëve u përkasin respektivisht:
- 1 Kuote Z.Jugert Xhani 100 000 (njëqindmijë) lekë ose 100% të kapitalit.

#### **Neni 8 – Rritja e kapitalit**

- 8.1 Kapitali mund të rritet pa kufi në çdo moment, me vendim Asambleje të pronarëve.

#### **Neni 9 – Transferimi i pjesëve të kapitalit**

- 9.1 Pjesët e kapitalit në Shoqëri mund të fitohen apo kalohen nëpërmjet:
- a) Kontributit në kapitalin e kompanisë
  - b) Shitblerjes
  - c) Trashigimisë
  - d) Dhurimit
  - e) Çdo mënyrë tjetër parashikuar në ligj
- 9.2 Pjesët e kapitalit themeltar janë lirish të transferueshme nëpërmjet ortakëve për sa nuk parashikohet ndryshe në statut.
- 9.3 Transferimi i pjesëve të kapitalit Themeltar gjithmone duhet të vërtetohet me Akt Noterial.

- 9.4 Shoqëria vepron në regjimin e pronës private dhe merr përsipër të drejta dhe detyrime vetëm në kufirin e kapitalit të saj. Ortakët themlues mbartin rrezikun e veprimtarisë së Shoqërisë vetëm në nivelin e kapitalit të investuar në Shoqëri.

**KAPITULLI III**  
**TË DREJTAT DHE DETYRIMET**  
**MARRJA E VENDIMEVE**  
**ADMINISTRIMI, KOMPETENCAT DHE KONTROLLI I SHOQËRISË**

**Neni 10 – Marrja e vendimeve**

- 10.1 Të gjitha vendimet do të merren nga asambleja e ortakëve.

Trasferimi i Shoqërisë në një formë tjetër bëhet me vendim të Ortakëve, kur plotësohen kushte për krijimin e shoqërive të tjera.

- 10.2 Ortaket e Shoqërisë kanë të drejtë të rrisin dhe të zvogelojnë kapitalin themeltar, të ndryshojnë emertimin e shoqërisë, të ndryshojnë seline e saj si dhe të hapin filiale, zyra, degë, përfaqësi brenda dhe jashtë vendit, të shesë pjesërisht ose tërësisht pjesët e tij në shoqëri ndaj të tretëve, të emërojnë dhe të shkarkojnë administratorin, ekspertin kontabël, likuidatorin, të pakesojë ose zgjerojnë objektivitetin e aktivitetit të shoqërisë, të marrë pjesë në shoqëri të tjera duke bashkuar kapitalin, të bëjnë ndryshime dhe plotësime në statutin dhe aktin e themelimit të shoqërisë.

**Neni 11 – Administrimi**

- 11.1 Administratori i shoqërisë caktohet Z. Jugert Xhani
- 11.2 Administratori ka të gjitha kompetencat për të kryer veprimet e administrimit në interes të shoqërisë dhe në emër të saj, nëpërmjet kompetencave që i janë percaktuar në këtë statut. Administratori emërohet dhe shkarkohet me miratimin e asamblesë së ortakëve.
- 11.3 Administratori është përgjegjës individualisht ose solidarisht, sipas rastit, ndaj shoqërisë apo të tretëve, për shkelje të ligjeve, dispozitave të këtij statuti apo për fajet gjatë administrimit të shoqërisë.
- 11.4 Administratori mund të emërojë përfaqësues të posacëm për veprime apo kategori të caktuara veprimesh.

**Neni 12 – Kompetencat**

- 12.1 Të sigurojnë drejtimin e mirë të shoqërisë, të administrojnë pasurinën e Shoqërisë, të përfaqësojnë Shoqërinë në marrëdhëniet me të tretët, të përfaqësojnë Shoqërinë para organeve gjyqësore ose autorizon persona të tjerë kompetentë, të kryejnë veprime në emër dhe për llogari të shoqërisë me të tretët si: lidh kontrata, kryen veprime të ndryshme bankare, doganore, tregtare e financiare, të punësojnë dhe pushojnë nga puna personelin që do të zgjidhet nga ai.

12.2 Të realizojë cdo veprimtari tjetër kontraktore ose jashtëkontraktore që është në interes të shoqërisë.

12.3 Të kërkojë t'i jepen të gjitha informatat që kanë të bëjnë me gjindjen tregtare të shoqërisë si dhe të gjitha dokumentet e shoqërisë, si bilancet, llogaritë ekonomike etj.

### **Neni 13 – Detyrimet**

13.1 Të marrë pjesë në administrimin e shoqërisë nëpërmjet organeve të krijuara ose nëpërmjet përfaqësuesve që krijon ai.

13.2 Të kryejë shërbimet e nevojshme për arritjet e shoqërisë dhe realizimin e funksioneve të saj.

### **Neni 14 – Kontrolli i Shoqërisë**

14.1 Në rast se kërkohet nga ligji, kontrolli i shoqërisë kryet nga një ekspert kontabël i cili emërohet dhe shkarkohet nga Administratori.

## **KAPITULLI IV**

### **VITI FINANCIAR, BILANCI VJETOR, SHPËRNDARJA E FITIMEVE**

#### **Neni 15 – Viti financiar dhe bilanci vjetor**

15.1 Viti financiar fillon me 1 Janar dhe mbaron me 31 Dhjetor të secilit vit.

15.2 Viti i parë financiar fillon në datën e regjistrimit të shoqërisë në Regjistrin Tregtarë dhe përfundon në 31 Dhjetor të të njëjtit vit.

15.3 Llogaritë vjetore, inventari, raporti mbi veprimtarinë e vitit financiar të hartuara nga administratori, nga eksperti kontabël i autorizuar miratohet nga asambleja e ortakeve.

#### **Neni 16 – Fitimet**

16.1 Fitimet neto të realizuara nga veprimtaria e shoqërisë mbasi zbriten të gjitha shpenzimet e kryera, asambleja e ortakeve vendos për qëllimin e përdorimit si: për investim, nxitjen ekonomike, reklama tregtare etj.

16.2 Fitimi i realizuar u takon themeluesve të cilët lirshëm disponojnë dhe e ndajnë në përpjestim me aksionet tyre.

16.3 Themeluesit kanë të drejtë që në tërësi ta tërheqin fitimin e realizuar, si dhe në tërësi apo pjesërisht ta riinvestojnë gjerësisht të bëjë dakapitalizimin në shoqëri pas përfundimit të vitit financiar.

16.3 Detyrimet që mund të lindin gjatë veprimtarisë së shoqërisë ajo i mbulon nga kapitali themeltar.

**KAPITULLI V**  
**PUNËSIMET NË SHOQËRI**

**Neni 17**

17.1 Për punonjësit që do të punësohen marrdhëniet juridike midis shoqërisë dhe të punësuarve do të rregullohen nëpërmjet kontratës së punës në përputhje me dispozitat ligjore në fuqi.

17.2 Shoqëria merr përsipër të derdhë rregullisht detyrimet, gjithashtu dhe kontributet për sigurimin e të punësuarve të saj në organet kompetente përkatëse në përputhje me dispozitat ligjore në fuqi.

**KAPITULLI VI**  
**SHPËRBËRJA DHE LIKUJDIMI I SHOQËRISË**

**Neni 18 - Prishja**

18.1 Shoqëria priset para kohe kur:

- Aktiviteti ekonomik i saj për disa vjet rradhazi është me humbje.
- Për arsye të parashikuara me ligj
- Në cdo rast tjetër me vendim të asamblesë së ortakëve

18.2 Shoqëria priset me përfundimin e afatit të parashikuar nga statuti ose përpara përfundimit në rastet e parashikuara nga ligji ose me anë të një vendimi të asamblesë të ortakëve, me shumicën e kërkuar për ndryshimet në statut.

18.3 Shoqëria nuk priset në rastin e humbjes së zotësisë për të vepruar, pazotësisë juridike, vdekjes, ose falimentit të ortakëve.

**Neni 19 – Likuidimi**

19.1 Në rast prishje shoqëria duhet të likidohet.

19.2 Shoqëria hyn në procesin e likidimit që në momentin e marrjes së vendimit për prishjen e saj. Për kryerjen e këtij procesi asambleja e ortakëve emëron likuidatorin, i cili paraqet raportin mbi gjëndjen e aktivitetit dhe pasivitetin e shoqërisë.

19.3 Me përfundimin e procedurës së likidimit asambleja e ortakëve do vendosë mbi bilancin financiar përfundimtar, mbi punën e kryer nga likuiduesi dhe mbi përfundimin e procesit të likidimit.

## KAPITULLI VII

### KUSHTE TETJERA

#### Neni 20 – Zgjidhja e mosmarrveshjeve

- 20.1 Të gjitha mosmarrëveshjet që mund të lindin në lidhje me interpretimin dhe/ose zbatimin e këtij statute dhe aktit të themelimit, do të zgjidhen në mënyre miqësore dhe do të diskutohen në mënyrë të drejtpërdrejtë ndërmjet palëve të interesuara.
- 20.2 Në rast se nuk arrihet në një zgjidhje miqësore të mosmarrëveshjes, ato do t'i besohen Gjykatës së Rrethit Gjyqësor.

#### Neni 21 – Përfundimi


- 21.1 Përsa nuk është parashikuar në këtë statut në lidhje me kompetencat, të drejtave dhe detyrimeve të ortakëve, të gjitha kushtet e tjera do të bazohen në ligjin Nr 9901 datë 14.04.2008 “Për tregtarët dhe shoqëritë tregtare” dhe ligjit 9723 03.05.2007 “Për Qendrën Kombëtare të Rregjistrimit”.

Ky Statut pasi u lexua, u kuptua dhe u gjet konform vullnetit të ortakut themelues, nënshkruhet prej ortakut me vullnet të lirë dhe të plotë.

ORTAKËT

Jugert Xhani

*Jugert Xhani*



*DE. 01/04/2021*